


徑山藏版

明 版

嘉興大藏經

第十冊



新文豐出版公司印行

中華民國七十六年四月台一版

版權

所有



明版

嘉興大藏經

精裝全四十冊基價一、〇〇〇元正

版藏者 徑山 藏版
發行人 高 本 釗
發行所 及 新文豐出版 股份 有限 公司
印刷所

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五二九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

明版

嘉興大藏經 第一九冊目錄



三一	金剛經筆記一卷	明如觀註並序	譚貞默序	……	一				
三二	金剛經大意心經大意附撮概一卷	清王起隆述	譚貞默引	金剛大意自跋	……				
……	……	……	……	……	一五				
三三	心經解一卷	清徐昌治解並序	……	……	二一				
三四	金剛經會解了義一卷	清徐昌治解並序	……	……	二五				
三五	金剛破空論一卷	明智旭造論	……	……	三九				
三六	心經釋要一卷	明智旭述	……	……	五三				
三七	金剛經觀心釋一卷	明智旭述	……	……	五五				
三八	金剛經如是解一卷	明張坦翁解並自述	清譚貞默序	王鐸序	弘禮序	道盛題辭	李化熙偈	……	……
……	……	……	……	……	……	……	……	……	……
三九	一齋頌	金之俊頌	北海老人跋	性琮跋	……	……	……	……	……
……	……	……	……	……	……	……	……	……	……
三九	金剛經受持感應錄三卷	首卷鳩異唐段成式撰	後二卷出太平廣記	……	……	……	……	……	……
……	……	……	……	……	……	……	……	……	……
卷一	鳩異	……	……	……	……	……	……	……	……
……	……	……	……	……	……	……	……	……	……
卷二	宋太平廣記報應部上	……	……	……	……	……	……	……	……
……	……	……	……	……	……	……	……	……	……
四〇	金剛經新異錄一卷	清王起隆撰並二序	……	……	……	……	……	……	……
……	……	……	……	……	……	……	……	……	……
四一	金剛經注釋一卷	清溥仁乚釋並序	子真乚訂並序	……	……	……	……	……	……
……	……	……	……	……	……	……	……	……	……

四二 心經說一卷 明洪恩述……………一一九

四三 心經開度一卷 明弘麗著並序……………一二一

四四 諸經日誦集要三卷 佚名……………一二七

目錄……………一二七 卷下 朝課……………一六六

卷上 經類……………一二九 暮課……………一七二

卷中 經類之餘……………一四四 雜集……………一七七

呪類……………一六〇

四五 佛遺教經註一卷 宋守遂註 明了童補註並序科 唐太宗施行遺教經勅 宋眞宗注經序 末著

大明慈聖宣文明肅皇太后刊 通燈後記……………一八九

四六 佛說四十二章經註一卷 宋守遂註 明了童補註並科 末著大明慈聖宣文明肅皇太后刊……………一九五

四七 瑜伽集要餓口施食儀一卷 唐不空譯 西夏不動金剛重集 清受登詮次 有圖像四十 緣起……………二〇一

四八 北京五大部直音會韻二卷 明久隱撰……………二一三

序……………二一三 卷上……………二一五

序詩……………二一三 卷下……………二二九

目錄……………二一四

四九 歷朝華嚴持驗紀一卷 清周克復纂並序引……………二三九

五〇 歷朝法華持驗紀二卷 清周克復纂……………二四七

序……………二四七 引……………二四七

目錄	二四七	卷下	二六二
卷上	二四九		

五一 歷朝金剛持驗紀二卷	清周克復纂	二七一
--------------	-------	-----

佛像 念經儀式	二七一	目錄	二七八
---------	-----	----	-----

序	二七七	卷上	二七九
---	-----	----	-----

引	二七七	卷下	二八八
---	-----	----	-----

凡例	二七八		
----	-----	--	--

五二 觀世音持驗紀一卷	清周克復纂並序引	有觀音像 經呪 辨訛語 目錄	三〇三
-------------	----------	----------------	-----

五三 淨土晨鐘十卷	清周克復纂	三二一
-----------	-------	-----

自序	三二一	卷六	淨土策進	三四四
----	-----	----	------	-----

目錄	三二二	卷七	淨土飭終	三四七
----	-----	----	------	-----

引	三二三	卷八	淨土正辨	三五〇
---	-----	----	------	-----

卷一 淨土原始	三二四	卷九	淨土了俗	三五五
---------	-----	----	------	-----

卷二 淨土啓信	三二七	卷一〇	淨土持驗	三六一
---------	-----	-----	------	-----

卷三 淨土勸修	三三一	淨土日誦	三七三
---------	-----	------	-----

卷四 淨土念佛法門	三三五	善導和尚臨睡入觀文	三七五
-----------	-----	-----------	-----

卷五 淨土功行法門	三三八		
-----------	-----	--	--

五四 大乘起信論疏略二卷	梁眞諦三藏譯	唐法藏造疏	明德清纂略	三七七
--------------	--------	-------	-------	-----

卷上	三七七	卷下	三八七
----	-----	----	-----

五五 依楞嚴究竟事懺二卷	明禪修述	四〇五
--------------	------	-----

八懺啓	四〇五	卷上	四〇五
-----	-----	----	-----

卷 下……………四一二 跋語……………四一八

五六 禮吳中石佛起止儀式一卷 明傳燈集 有緣起……………四二一

五七 千手千眼大悲心呪行法一卷 宋知禮集 清讀體重纂 寂暹補像 元明諸家題詞……………四二五

五八 大準提菩薩焚修悉地懺悔玄文一卷 清夏道人集 項謙重刻並序 道盛序 譚貞默序 有圖像

十八……………四三一

五九 得遇龍華修證懺儀四卷 明如惺撰……………四四一

序……………四四一 卷 三……………四四八

卷 一……………四四一 卷 四……………四五二

卷 二……………四四四 跋語……………四五八

六〇 舍利懺法一卷 清繼僧著並自述 李煦序 元度序 原書缺由駒本補入……………四五九

六一 金光明懺法補助儀一卷 宋遵式集 明智旭重治 附金光明經空品……………四六五

六二 占察善惡業報經行法一卷 明智旭集 前附占察善惡業報經二卷 隋菩提登譯……………四七一

六三 讚禮地藏菩薩懺願儀一卷 明智旭述並後序……………四八五

六四 菩薩戒本經箋要一卷 明智旭箋並跋 前附優婆塞戒經受戒品一卷 北涼曇無讖譯 大賢跋……………四八九

……………四八九

六五 沙彌十戒威儀錄要一卷 明智旭重輯……………五〇一

六六 四分律藏大小持戒健度略釋一卷 明智旭釋……………五〇九

六七 大乘止觀法門釋要四卷 明智旭述……………五一九

序……………五一九 卷 一……………五二〇

卷二……………五二八
卷三……………五三八
跋語……………五六一

六八 占察善惡業報經義疏三卷 明智旭述……………五六三

玄義 一卷……………五六三
疏 卷上……………五七六
跋語……………卷下……………五九一
……………六〇七

六九 准提淨業三卷 明謝于教撰……………六〇九

圖像……………六〇九

序……………六〇九

引……………六〇九

目錄……………六〇九

卷一 大准提陀羅尼經……………六一〇

准提大明陀羅尼經 心月梵字觀門……………卷二 觀行儀軌……………六一五
……………卷三 顯密雙修觀行說……………六一八
淨業圓修說……………六二四

七〇 三經解三卷 明智旭述……………六二九

佛遺教經解 一卷……………六二九
跋語……………六三六
佛說四十二章經解 一卷……………六三六
八大人覺經略解 一卷……………六四四

七一 佛說齋經科註一卷 明智旭科註 附受八關齋法……………六四七

七二 因明入正理論解一卷 明眞界集解並後序及跋 馮夢禎題辭 有科文 附宗鏡錄百法論鈔略節……………六五七

七三 八識規矩百法明門纂釋二卷 明廣益纂釋……………六六七

憨山大師像 讚……………六六七
規矩纂釋手批……………六六七

八識規矩頌纂釋	六六七	後序	六七五
百法論手批	六七五	百法明門論纂釋	六七六
百法規矩纂釋序	六七五	後序	六八八

七四 相宗八要八卷 明洪恩輯 六八九

題辭	六八九	唯識三十論	一卷	六九三
因明入正理論	一卷	觀所緣緣論	一卷	六九五
後序	六九一	眞唯識量	一卷	六九六
八識規矩頌	一卷	六離合釋法式	一卷	七〇〇
百法明門論	一卷	觀所緣緣論釋	一卷	七〇〇

七五 八識規矩頌略說一卷 明正誨略說並序 朱衷純跋 七〇五

七六 相宗八要解八卷 明明昱解 七一五

序	七一五	觀所緣緣論釋記	一卷	七三九
凡例	七一六	觀所緣緣論釋記問答釋疑		七五二
百法贅言	一卷	因明直疏序		七五三
唯識約意	一卷	因明直疏	一卷	七五三
緣論會釋	一卷	因明直疏後序（與七四、因明入正理論後序同文）		七六〇
離合通關	一卷	三支比量義鈔	一卷	七六一
觀所緣緣論釋記序	七三八	八識規矩補註證義序		七六六
題辭	七三八	八識規矩補註證義	一卷	七六六
分科	七三八			

七七 相宗八要直解八卷 明智旭解 七七九

因明入正理論直解	一卷	百法明門論直解	一卷	七七八
----------	----	---------	----	-----

唯識三十論直解 一卷……七九一
 觀所緣緣論直解 一卷……七九五
 觀所緣緣論釋直解 一卷……七九八
 唐樊師真唯識量略解 一卷（宋永明壽禪師宗

鏡錄中節出）……八〇八
 八識規矩直解 一卷……八一二
 六離合釋法式略解 一卷……八一四

金剛經筆記序

陳了翁嘗云佛法之要只金剛一卷足矣此經於一切有名有相有覺有見皆歸為虛妄即宣尼一以貫之之意也了翁于佛法不甚深入而晚年所見及此余少時即誦此經逢師請益一師曰其看此經太纏複否余曰然師曰前半卷是訓應住降伏之詞後半卷乃答發阿耨菩提之旨非纏複也余唯唯既而

慈山大師以决疑出示大意謂佛說法三十年上首猶是懷疑故此經隨空生所疑處即便逐破所謂疑悔永已盡安住實智中而其旨本于無著菩薩以二十七疑分經菩薩契佛心印慈師契菩薩心印當無剩義隨并受而流通焉以余所聞此經不隨分演說且有合于一貫之義者其諦論止此今蘊虛觀公所著筆記不豎識解不崎宗派與原衍乎前

諦會萃昭乎片靈如撥沙逗金剖石窺玉然煩挈法與人而家珍躍如可獲茲固顯白坦露導發學人之正儀的也良繇觀公履踐真實貌癯趣澹道風肅然宿為縑素所傾慕是以詮釋所至行可標式著準不徒以詩偈垂譽則又余得之白法宗公所推讚不置者也噫嘻凡佛言語孰為世間思惟心所測順解一句頭上安頭逆解一句屋下架屋況此經

為上上人悟空菩薩剖决疑根者哉云何具金剛眼云何得金剛心此在言語道斷時薦取觀公即此婆心恐不能含蜜說甜合甜說蜜另下一番註脚也 肯

崇禎十年臘八前一日掃庵髻道人譚貞默合十謹序



金剛般若波羅蜜經筆記自序

蓋聞般若如大火聚釋迦世尊從此大冶爐中煅煉幾番所以菩提場內正覺初成嘆云奇哉奇哉普見一切眾生皆有如來智慧德相但以妄想執着而不證得繇此觀之則聖凡一體之旨可知矣然我佛已悟眾生尚迷向水月場中多方設化如長風之吹萬竅空谷之答眾響良繇機感千差法門無量因指

自序

觀月猶隔纖雲洗凡聖之情塵絕談般若斷我法之妄執取譬金剛空生以上求下化而與問端世尊約自利利他以通疑滯廣修六度無度可修普化四生無生可化菩提煩惱類鏡像之妍媸生滅涅槃等空華之濃淡法身寂滅無而不無應化隨緣有而不有演說一偈布施河沙身命功不較多受持全經供養無量諸佛福不為廣一念淨信實相現前

非實非虛超情離見則知着衣持鉢執運神通跌坐游行憑誰道力一經要旨體用全彰雖八萬法門百千公案何以踰此哉然離言妙性不屬筌蹄訓詁繁辭猶為剩語前賢往哲註疏科文秋菊春蘭各擅其美觀游心講席蓋亦有年欲益將來聊陳管見緣茲像季樂簡憚繁撮先彥之玄微附鄙衷之陋見命日筆記以質諸方然五百弟子各說身因佛

自序

許無非正說古語云見聞為種八難超十地之塔解行在躬一生圓曠劫之果固有望於斯也知我罪我又何辭焉 肯

崇禎歲次丁丑佛生日武原崇福菴沙門如觀誤



金剛般若波羅密經筆記

姚秦三藏法師鳩摩羅什奉詔譯

明西浙海鹽崇福庵沙門如觀註

金剛是喻。最堅最利萬物不能加損而能壞萬物者。般若若是法。此云智慧。有決擇之功。慧有照了之用。又智照諸法實相。慧了諸法無生。然有體有用。摩訶論云。諸法實相謂之般若。即金剛體堅。經云信心清淨。則生實相。又云。設化眾生謂之溫。和。即金剛用利。經云。我應滅度一切眾生。而無有一眾生實滅度者。又云。涉有未始迷虛。故常處有而不

金剛經筆記

染。經云。不應住色生心。不應住聲香味觸法生心。又云。不厭有而觀空。故觀空而不證。經云。應無所住而生其心。乃體外無用。用外無體。一念之力。權實雙彰。不同二乘人空慧。取捨如金剛。波羅密此云彼岸。到喻涅槃妙心。若有我法二執。則有分段變易二種生死。名為此岸。乘般若之舟楫。渡我法之中流。離二種生死。此岸到菩提涅槃彼岸。故名波羅密。問曰。真般若者。清淨如虛空。無知無見。無作無緣。今釋迦出世說法。利生令眾生離我法斷生死。修般若證涅槃。然後如來示寂。則凡聖能

所生滅修證皆是妄情。何名真般若也。答曰。不然。佛真法身。猶若虛空。應物現形。如水月中。水清月現。月亦不來。水濁月昏。月亦不去。經云。不可以身相得見。如來則應化非真實也。又云。譬如有人身如須彌山王。佛說非身是名大身。此報身不可得也。又云。無有少法可得。是名阿耨多羅三藐三菩提。此法身無所得也。佛既無得。法豈可說。所以世尊談經三百餘會。說法四十九年。未嘗說着一字。淨名云。三轉法輪於大千。其輪本來常清淨。經云。若見如來有所說法。即為謗佛。無法可說是名說

法能化既爾。所化亦然。煩惱本空。我法何有。既無二執。奚用斷除。如兔角龜毛。名實俱妄。經云。我相即是非相。人相眾生相壽者相。即是非相。所言法相者。如來說即非法相。譬如幻覺。妄見空花。幻覺若除。空花奚有。眾生煩惱。妄見生死。煩惱若除。生死安在。如皮既不存。毛何所附。圓覺云。生死與涅槃。凡夫及諸佛。同為空花相。經云。一切眾生。即非眾生。我法所照之境。般若能照之心。我法本空。誰為所照。既無所照之境。則無能照之心。能所雙忘。修即無修。經云。以無我無人。無眾生無壽者。修一

切善法。即得阿耨多羅三藐三菩提。須菩提。所言善法者。如來說即非善法。是名善法。煩惱與菩提。生死及涅槃。皆對待之辭也。然離煩惱得菩提。斷生死證涅槃。乃隨他意。語非如來稱性之談。以般若智慧。照煩惱本空。菩提焉有生。死原寂。涅槃安寄。放光云。菩提有所得。即答曰。不也。無所得。即答曰。不也。亦有亦無。得即答曰。不也。非有非無。得即答曰。不也。然則都無所得。即答曰。不也。以無所得而得也。是故得無所得也。肇云。眾生非眾生。誰為得之者。涅槃非涅槃。誰為可得者。經云。實無有法得

金剛經筆記

三

阿耨多羅三藐三菩提。實無眾生得滅度者。般若能證之。智涅槃所證之。理修即無修。則無能證之智。證即無證。則無所證之理。忘能所滅。影像盡。山云。光非照境。境亦非存。究竟俱忘。復是何物。化繁既畢。入滅歸真。如薪盡火滅。法華云。若見如來。當在不滅。不能生難遭之想。恭敬之心。是故如來。雖不實滅。而言滅度。譬如醫師。為治狂子。故實在而不言滅。故云。常在靈鷲山。及餘諸住處。楞伽云。無有涅槃佛。無有佛涅槃。遠離覺所覺。是二悉俱離。莊生云。適來夫子時也。適去夫子順也。安時而處順

哀樂不能入也。指窮於為薪火傳也。不知其盡也。經云。無所從來。亦無所去。故名如來。此則滅無所滅也。然則涅槃虛而無相。般若寂而無知。本無生死。起滅亦無煩惱。縛脫以如智契。如如理。理外無智。智外無理。理智雙泯。絕言絕思。是以釋迦摩竭。梅空淨名。毘耶默然。空生岩中。晏坐帝釋。滿空雨花。豈曰無辯辯所不能言也。經者常也。三世諸佛不易故。又云。徑也。通凡入聖之路。故因空生請問。經名世尊。若云。是經名為金剛般若波羅密。華記者。開暇時信筆而記。非敢言註也。然佛說法分

金剛經筆記

四

為五時般若。即當第四時。又般若分八部。大般若放光般若。光讚般若。道行般若。小品般若。金剛般若。實相般若。摩訶般若。若此即大般若。中第五百七十七卷。又有六譯。後秦羅什。後魏菩提留支。陳朝真諦。隋朝笈多。唐初玄奘。大周義淨。今所傳即秦譯也。如是我聞。一時佛在舍衛國祇樹給孤獨園。與大比丘眾千二百五十人俱。爾時世尊。食時着衣持鉢。入舍衛大城乞食。於其城中。次第乞已。還至本處。飯訖收衣鉢。洗足已。敷座而坐。

此序分也。如是者。指法之辭。我聞者。集經人因佛立言。證法有所傳授。一時者。師資雅合之時。佛者。說法之主。舍衛此云。問物。祇樹園。祇樹園。太子所捨之樹。給孤獨園。須達長者所買之園。乃說法之處。大比丘是。果上阿羅漢。千二百五十人。憍陳如。五比丘。三迦葉。兼徒一千。舍利弗。目犍連。各兼徒一百。耶舍長者五十人。經舉大數。故畧五人。俱者。一時一處。此常隨眾。非無餘眾。夫聖賢應化。影響相符。敲唱俱隨。接拍成令。易云。同聲相應。同氣相求。雲從龍。風從虎。聖人作而萬物覩。本乎天者。親上本

乎地者親下亦各從其類也爾時者乃眾集之時
世尊者天上天下唯佛獨尊食時者乞食之時是
日初分乞食易得不惱自他者衣持鉢者看大衣
持應量器圍在城外故人城乞食次第者佛心平
等慈無偏利以已等心而化令彼等心而施能成
無量功德淨名云於食等者於法亦等乞食已還
至園中飯食訖者言喫食已竟於中後時收大衣
着七條洗應量器復洗足者佛行足不履地示同
凡情爲後人軌則敷座而坐者如常敷座結跏趺
坐然諸經發起各有緣由此經以乞食因緣發起

者要顯世尊不住相行乞令彼不住相布施若非
般若大用現前何能動而常靜靜不離動無知而
無所不知無爲而無所不爲知即無知爲即無爲
人天大眾孰能會之乎分竟

時長老須菩提在大眾中即從座起偏袒右肩右膝
着地合掌恭敬而白佛言希有世尊如來善護念諸
菩薩善付囑諸菩薩世尊善男子善女人發阿耨多
羅三藐三菩提心云何應住云何降伏其心佛言善
哉善哉須菩提如汝所說如來善護念諸菩薩善付
囑諸菩薩汝今諦聽當爲汝說善男子善女人發阿

耨多羅三藐三菩提心應如是住如是降伏其心唯
然世尊願樂欲聞

此正宗分中空中生發問之文時者敷座之時德重
年高故名長老須菩提此云空生解空第一般若
會中轉教菩薩故爲當機而發起即窮于喻寄遣
二人是也讚佛希有者言佛日用妙處他人不知
空生觀破故云希有如涅槃會上世尊拈花迦葉
微笑二人默識心通如出一律善者能也護念者
愛護注念也付囑者交付囑託也具云善提薩埵
此云覺有情護念與智慧力今上求佛果付囑與

教化力令下化衆生阿耨多羅三藐三菩提此云無上三藐此
云正等三菩提此云正覺空生意謂未發大心
有所住不能降伏其心既發大心云何護念令其
安住不墮偏邪云何付囑令其降伏不落凡情佛
讚善哉善哉者重言空生所讚之善如汝所說者
稱其當理如來果能護念付囑諸菩薩真實不虛
汝今諦實而聽吾當委細而說莊子云無聽之於
耳而聽之以心也者虛而待物者也先總答大
義既發上求下化之心我當護念應如是正覺安
住我當付囑應如是正等降伏其心又云如是者

總指依菩提心安住依菩提心降伏即文殊白觀
云諦觀法王法法王法如是亦不異此唯然者敬
對之辭即曾子曰唯言應之速而無疑也若論空
生本地風光如良馬見鞭追風千里不勞世尊重
重啟齒但爲衆中不了俯就辭機故云願樂欲聞
安住降心深奧之法也

佛告須菩提諸菩薩摩訶薩應如是降伏其心所有
一切衆生之類若卵生若胎生若溼生若化生若有
色若無色若有想若無想若非有想非無想我皆令
入無餘涅槃而滅度之如是滅度無量無數無邊衆

生實無衆生得滅度者何以故須菩提若菩薩有我
相人相衆生相壽者相即非菩薩

此總答降伏之文正顯世尊付囑意然度生無我
即是降心捨生執心是小乘法實假衆生以自度
故問降心而教以度生之法也智者大師云降心
約願安住約行菩薩發心先願後行故先總答降
伏次答應住無着云此文爲發心住若發心即願
也先牒問辭標起云應如是正等降伏其心所有
一切衆生之類總指所化之衆卵生魚鳥龜蛇胎
生人畜龍仙溼生含蠢蠕動化生轉脫飛行有色

即四禪無色即四空有想即空識二處無想即無
所有處非有想非無想即非想非非想處如上所
有無邊衆生菩薩發願一一度盡不欲令得人天
有漏小果聲聞皆令得入無餘涅槃而滅度之無
餘者五住究竟二死永忘涅槃此云滅度滅盡諸
苦度生灰海涅槃滅度華梵兼舉之辭然雖度盡
無量衆生不見有一衆生得滅度者以一切衆生
即寂滅相不復更滅淨名云彌勒如衆生如一如
無二如彌勒得滅度一切衆生亦得滅度以生佛
體同故微云菩薩度生應見所化之機華凡成聖

若云無生可度則無能度之人釋云若見有所度
之衆生能度之菩薩即有我人衆生壽者則不名
爲發心菩薩是凡夫矣我相者於五蘊中計我人
相者計我起於餘趣爲人衆生相者計五蘊和合
而生壽者相計我受一期長短果報不出自他憎
愛四字圓覺云菩薩衆生皆爲幻化幻化滅故無
取證者又云生死涅槃猶如昨夢安有能化之菩
薩所化之衆生脫生死證涅槃也

復次須菩提菩薩於法應無所住行於布施所謂不
住色布施不住聲香味觸法布施須菩提菩薩應如

是布施不住於相何以故若菩薩不住相布施其福
德不可思量須菩提於意云何東方虛空可思量不

不也世尊須菩提南西北方四維上下虛空可思量
不不也世尊須菩提菩薩無住相布施福德亦復如
是不可思量須菩提菩薩但應如所教住
此總答應住之文以顯世尊護念意然布施不住
相即是安住若廢事求理如捨像求鏡實假布施
以安住故問應住而教以布施之法也初總標菩
薩於法應無所住行於布施法者即六塵根身界
界及出世間四諦十二因緣六度萬行菩提涅槃

等一切諸法應無所住理也行於布施事也無住
行施即理而事行施無住即事而理理事不二心
法雙忘然後為至也若論菩薩萬行廣博無涯何
但云布施以萬行不離六度六度以檀波為總檀
即資生施戒忍即無畏施進禪慧即法施故或云
六根不住六塵即是布施此廢事求理如撥波求
水或將四事六塵行施以求世出世間果報此迷
理逐事如葉海認漚殊不知正施四事六塵時即
不住相方為理事雙彰下別釋所謂不住色等六
塵相布施廣則不住五陰十二處十八界七太四

金剛經筆記

十

諦十二因緣六度萬行善提涅槃等布施結云善
薩應如是布施不住於相雖令時門頭不捨一法
然實際理地不受一塵終日為而無所為終日作
而無所作也微云菩薩行施本為得福今離相行
施得何功德釋云若菩薩能離相布施契性空
空性無邊福德無邊故云其福德不可思量永嘉
云住相布施生天福猶如仰箭射虛空勢力盡箭
還墜招得來生不如意爭是無為實相門一起直
入如來地然世間諸物無以為譬故舉廣大無涯
不可思量十方虛空與空生問答下乃合明菩薩

無住相布施所有福德亦如十方虛空不可思量
結勸云菩薩但應無住行施所教而住世尊首答
不住相後云如所教住者所謂無住而住住而不
住肇云人之所謂住我則言其去人之所謂去我
則言其住然則去住雖殊其致一也

須善提於意云何可以身相見如來不也世尊不
可以身相得見如來何以故如來說身相即非身
相佛告須善提凡所有相皆是虛妄若見諸相非相
即見如來

此別明應住之文前云不住相布施恐空生未解

故以如來果上相而發明之若以身相見如來
則住相矣中峯云此破執相滯見虛妄情習智者
云安住約實智道降伏約方便道若論修行先實
後權故別答中先明安住重請之後別明降伏也
初問可以身相見如來不身相者應化也如水
月如來者法身也如太虛空若以身相見如來則
認妄為真如演若達多以鏡照面受鏡中頭眉目
可見實責已頭不見面目無狀空生悟得無
相法身答云不可以身相得見如來有相之身生
住異滅去來坐臥有作有為無相法身不墮諸數

離能所相執可見之起信云以諸佛法身無有彼
此色相透相見故微云聞名觀相非滅河沙今不
可以相見是何所以釋云如來說身相如明鏡
現像來無所黏過無踪跡當體虛空故云不可以
身相得見如來佛與空生擴而充之不唯我佛身
相是妄一切凡聖依正有為之相盡是虛妄從妄
見生本無實體起信云一切諸法唯依妄念而有
差別若離心念則無一切境界之相猶恐離色觀
空別求無相法身故云若見諸相非相即見如來
但了妄無自性全體即真不唯應化是法身即山

金剛經筆記

上

河大地同轉根本法輪離甲羽毛普現色身三昧
華嚴云若人欲識真空理心內真如還偏外情與
無情共一體處處皆同真法界楞嚴云見與見緣
分所想相如虛空花本無所有此見及緣元是菩
提妙淨明體上文破我相竟

須善提白佛言世尊頗有眾生得聞如是言說章句
生實信不佛告須善提莫作是說如來滅後後五百
歲有持戒修福者於此章句能生信心以此為實當
知是人不少於一佛二佛三四五佛而種善根已於無
量千萬佛所種諸善根聞是章句乃至一念生淨信

者須善提如來悉知悉見是諸眾生得如是無量福
德何以故是諸眾生無復我相人相眾生相壽者相
無法相亦無非法相何以故是諸眾生若心取相即
為着我人眾生壽者若取法相即着我人眾生壽者
何以故若取非法相即着我人眾生壽者是故不應
取法不應取非法以是義故如來常說汝等比丘知
我說法如筏喻者法尚應捨何況非法

此明能信不住相經福德智慧之文前云凡所有
相皆是虛妄若見諸相非相即見如來如是章句
眾生難信故問頗有眾生得聞如是言說章句生

金剛經筆記

主

實信不頗能也名詮自性句詮差別章則解句於
一切法能信般若若是為實信離般若外皆非正信
佛告空生莫言不信如來滅後闍靜堅固之時有
持戒修福之人能解非相見佛不離自心自心起
信還信自心故云能生信心以此為實持戒修福
者要顯五度之福皆以般若而為其本當知能生
信心之人不但於少佛所種諸善根已於過去無
量佛所種諸善根善根者即般若種子能生菩提
妙果種者植也於諸佛所發菩提心法華云譬如
有人至親友家以無價寶珠繫其衣裏其人醉臥

都不覺知起已遊行於後親友指示其珠得大饒
富繫珠者緣因佛性也示珠而得者了因佛性也
正因佛性無論有佛無佛問法不聞法本自具足
若無緣了終不能得起信云如木中火性是火正
因若無人知不假鑽研火終不發下以劣況勝聞
是章句不但實信乃至一念淨信之人唯佛智悉
知佛眼悉見是諸淨信眾生得如是十方虛空不
可思量之福德但言信不言解行者以信為道源
功德母長養一切諸善法淨者遠離我法二執一
念者顯其時之甚促如一葉落天下秋一塵起大

地收縱百千劫修行成道之事皆不越此一念之中。老子云。合抱之木發於毫末。千里之行始於足下。大明淨信之智慧微云。何故淨信衆生得如來悉知悉見釋云。是諸衆生無復我相人相衆生相壽者相無法相亦無非法相。四相解於前。執有布施持戒等心名法相。執無施戒等心名非法相。無四相則不住有無法相則不住空。無非法相則不住斷滅。前四相是我執後二相是法執。無四相破外道凡夫。無法相破內凡聲聞。無非法相破增上慢菩薩。離二執故得佛悉知悉見微云。何故無我

相法相釋云。若心取我相即着四相。若取法相亦着四相。以法相中雖無現行煩惱尚有無明種子不出證悟了覺四字。微云。取法相何故亦着四相。釋云。取非法相亦着四相。何況取法相以後釋前也。圓覺云。心如幻者亦復遠離。遠離爲幻亦復遠離。遠離離幻亦復遠離。得無所離即除諸幻。是取法非法着相之故。不應取法及非法相。以是不應取法義故。如來恒常說言。知我說法猶如筏喻。衆生執有如河。如來說空法如筏。二乘執空如河。如來說不空法如筏。不過以言遣執不應如言執義。

金剛經筆記

五

以此觀之。無定相法。尚且應捨。何況執相滯見之妄法而不捨乎。圓覺云。修多羅教。如標月指。若復見月了知所標畢竟非月。

須菩提於意云。何如來得阿耨多羅三藐三菩提耶。如來有所說法耶。須菩提言。如我解佛所說義。無有定法。名阿耨多羅三藐三菩提。亦無有定法。如來說可說。何以故。如來說說法。皆不可取。不可說。非法非非法。所以者何。一切賢聖皆以無爲法而有差別。

此明不住法相之文。空生因問佛非色相法尚應捨。若佛與法二俱無有。云何佛得菩提現今說法。

佛舉此二以問空生。空生能解佛義。答言。無有定法。名大菩提。亦無定法。可說。無定法可得者。定者實也。又一定也。但盡凡情。別無聖解。無有法可得。名大菩提。經云。無有少法可得。是名阿耨多羅三藐三菩提。然不可以有取。不可以無取。經云。如來所得阿耨多羅三藐三菩提。於是中無實無虛。無定法可說者。世尊五時設化。如空拳誑小兒。無有實法與人。況法無定相。如何言說。肇云。欲言其有無相。無形。欲言其無湛以之靈。聖智之用。未始暫廢。求之形相。未暫可得。楞嚴云。圓滿菩提歸無

金剛經筆記

六

所得。但有言說。都無實義。微云。何故無定法可得。可說。釋云。如來說說法。非有非無。故不可取。不可說也。非法者。非有法也。非非法者。非無法也。下總徵非法。非法非非法。單釋無定法可得。不但我佛如是。一切四果三賢十聖。皆以無分別真如爲法。而修證自有差別。無爲法真諦理也。而有差別。俗諦用也。智者云。無爲雖一。解有明昧淺深差別。肇云。如人斬木去尺。無尺去寸。無寸。修短在於尺寸。不在無也。

須菩提於意云。何若人滿三千大千世界七寶以用

布施。是人所得福德。寧爲多。不須菩提言。甚多世尊。何以故。是福德。即非福德性。是故如來說福德多。若復有人於此經中。受持乃至四句偈等。爲他人說。其福勝彼。何以故。須菩提。一切諸佛及諸佛阿耨多羅三藐三菩提法。皆從此經出。須菩提。所謂佛法者。即非佛法。

此校量持經福德之文。空生已悟無得無說之旨。如何得福。初舉劣福以問。三千大千者。一四天下。一須彌。一日月。欲色無色諸天。爲一世界。數至一千爲小千。一千小千爲中千。一千中千爲大千。總

別兼舉故名三千大千。七寶者。金銀琉璃頗梨真珠珊瑚瑪瑙。假若有人將七寶充滿大千世界。布施得福多。不。空生答言甚多。若福德有實。則福不多。以福德性空。是故說多。佛與空生發明經福超勝。若人於此無佛。無法。經中受持乃至四句偈等。如凡所有相皆是虛妄。若見諸相非相。即見如來。詮義究竟者。復爲他人解說其福勝彼。下明超過。所以一切諸佛及菩提法。從此經出。一切諸佛者。報化也。菩提者。法身也。持說能爲報化生。因爲法身了因。既悟法身。則報化隨之矣。如六祖開客。謂

金剛經應無所住而生其心。豁然大悟。舍利弗云。從佛口生。從法化生。前云。無佛無法。今云。佛法從此經出。豈不自語相違。故云。所言佛法者。世俗諦之言耳。第一義中。元無佛法。故名即非佛法。淨名云。夫求法者。不着佛求。不着法求。不着僧求。當如是求。趙州云。佛之一字。吾不喜聞。又云。記箇元字。脚在心地。獄如射箭。世尊說法。如盤走珠。如珠走盤。令人拿捉不定。又云。祖師心印。狀似鐵牛之機。去則印住。住則印破。使人立脚不牢。

須菩提於意云。何須陀洹能作是念。我得須陀洹果。

金剛經筆記

六

不須菩提言。不也。世尊。何以故。須陀洹名爲入流。而無所入。不入色聲香味觸法。是名須陀洹。須菩提。於意云。何斯陀含能作是念。我得斯陀含果。不須菩提言。不也。世尊。何以故。斯陀含名一往來。而實無往來。是名斯陀含。須菩提。於意云。何阿那含能作是念。我得阿那含果。不須菩提言。不也。世尊。何以故。阿那含名爲不來。而實無不來。是故名阿那含。須菩提。於意云。何阿羅漢能作是念。我得阿羅漢道。不須菩提言。不也。世尊。何以故。實無有法。名阿羅漢道。世尊。若阿羅漢作是念。我得阿羅漢道。即爲着我人衆生壽者。世

尊佛說我得無諍三昧人中最高第一。是第一離欲阿羅漢。我不作是念。我是離欲阿羅漢。世尊。我若作是念。我得阿羅漢道。世尊則不說。須菩提。是樂阿蘭那行者。以須菩提實無所行。而名須菩提。是樂阿蘭那行。

此明四果不取之文。前云無有定法可得。云何聲聞各取自果。已下皆發明一切賢聖皆以無為法。而有差別。佛問空生。須陀洹能作是念。得初果不。意謂若作念。得初果。即着四相。空生答言。不作是念。能得初果。下以名釋義。須陀洹此云入流。斷三

金剛經筆記

元

界八十八見惑。七往天上。七來人間。然已入聖流。名為入流。不是別有所入。但由不入六塵。是名入流。若作是念。我得初果。即着四相。復問斯陀含。能作是念。得二果。不答言。不作是念。斯陀含此云一往來。斷欲界前六品思惑。一往天上。一來人間。得阿羅漢而實無往來之心。是名一往來。若作是念。我得二果。即着四相。復問阿那含。能作是念。得三果。不答言。不作是念。阿那含此云不來。斷欲界九品思惑。一往天上。寄居五不還天。不來人間受生。故名不來。而實無不來之心。若作是念。我得三果。

即着四相。復問阿羅漢。能作是念。我得道。不以得盡無生智聲聞道。極故以道為名。各言不作是念。阿羅漢此云無學。斷盡三界九地。八十一品思惑。究極真理。無法可學。名為無學。若作是念。得第四果。即着四相。此四相乃法執種子。向下空生引已。所說令人生信。佛說我得無諍三昧。以為人中第一。是離欲阿羅漢。無諍者。不惱眾生。能令眾生不起煩惱。三昧此云正定。得阿羅漢離煩惱障。得無諍離三昧障。三界煩惱。但有貪心。總名為欲。我不作念。我是離欲阿羅漢。下反釋我若作念。我得離

欲阿羅漢。即着四相。佛則不說。我是樂阿蘭那行之人。阿蘭那此云無諍。又云寂靜。下順釋。以我不作是念。世尊說。我是樂阿蘭那行。

佛告須菩提。於意云何。如來昔在然燈佛所。於法有所得不。不也。世尊。如來在然燈佛所。於法實無所得。須菩提。於意云何。菩薩莊嚴。佛土不也。世尊。何以故。莊嚴佛土者。即非莊嚴。是名莊嚴。是故須菩提。菩薩摩訶薩。應如是生清淨心。不應住色。生心。不應住聲香味觸法。生心。應無所住。而生其心。須菩提。如有入身。如須彌山王。於意云何。是身為大。不須

提言。甚太世尊。何以故。佛說非身。是名大身。

此明菩薩不取及小結無定法可得之文。前云四果不可取。釋迦因中為善慧童子。布髮掩泥。五花供佛。悟無生忍。受然燈記。豈無所得。故世尊問之。空生答言。實無所得。然燈所說。如長風之吹萬竅。有竅則鳴。無竅則寂。寂滅性中。了無所得。二祖見達磨。問寂果。記菩提。寂滅性中。了無所得。二祖見達磨。問云。乞師安心。磨言。將心來。與汝安。二祖云。覓心了不可得。磨言。與汝安心。竟又恐空生作念。釋迦雖無所得。菩薩豈非莊嚴佛土。故問之。答云。實無莊

金剛經筆記

至

嚴所言莊嚴佛土者。今時門頭耳。實際理地。即非莊嚴。淨名云。欲得淨土。當淨其心。隨其心淨。即佛土淨。是名莊嚴。若無為無所。不為無作。無所不作。玄談云。觀空則萬行沸騰。下小結無得之文。是菩薩無土可嚴之故。應如是不住。相生清淨心。若住相生心。觸處皆妄。寂然不動。感而遂通。殊途同歸。何思何慮。不應住六塵。生心者。境由心現。心逐境生。心境交加。以物交物。則引之而已矣。楞嚴云。自心取自心。非幻成幻。法若了心外。無法法外。無心則根根塵塵。咸是菩提妙淨明體。楞嚴云。不取無

非幻。非幻。尚不生幻法。云何立。上言心。境不二。體用一如。猶恐空生捨用求體。離境覓心。墮於偏小。永嘉云。厭有著空病。亦然猶如避溺而投火。故云。應無所住。而生其心。無住。體也。生心。用也。無住。生心。即體。而用。生心。無住。即用。而體。如明鏡。當臺。妍則現妍。醜則現醜。了無踪跡。師問南泉。云。摩尼珠。人不識。如來藏。親收得。如何。是藏。答云。王老。師。與汝往來者。是。又問。不往來者。答云。日。亦是藏。復問。如何。是珠。南泉喚。師。祖。祖。應。諾。南泉云。汝。不。會。我。語。須。云。往。來。不。往。來。祇。這。皆。是。藏。與。應。不。喚。

金剛經筆記

至

應。祇。這。皆。是。珠。前。不。住。相。布。施。文。畢。以。果。上。應。化。身。相。發。明。今。無。有。定。法。得。菩。提。文。畢。以。果。上。報。身。相。發。明。初。問。報。身。佛。相。如。須。彌。山。王。可。為。大。不。答。言。甚。大。須。彌。此。云。妙。高。四。寶。所。成。曰。妙。超。出。群。峯。曰。高。下。明。大。之。所。以。佛。說。非。身。者。本。性。空。故。是。名。大。身。者。即。第。一。義。故。

須菩提。如恒河中所有沙數。如是沙等恒河。於意云何。是諸恒河沙寧為多。不須菩提。言甚多。世尊。但諸恒河尚多無數。何況其沙。須菩提。我今實言告汝。若有善男子。善女人。以七寶滿爾所恒河沙數三千大

千世界。以用布施。得福多。不須菩提。言甚多。世尊。佛告須菩提。若善男子。善女人。於此經中。乃至受持四句偈等。為他人說。而此福德。勝前福德。復次。須菩提。隨說是經。乃至四句偈等。當知此處。一切世間天人。阿修羅。皆應供養。如佛塔廟。何況有人。盡能受持讀誦。須菩提。當知是人。成就最上第一希有之法。若是經典所在之處。即為有佛。若尊重弟子。

此校量持說福勝。以顯經勝之文。前無得無說文。畢。以七寶充滿一大千世界。布施不及持經之福。此一切賢聖。皆以無為法。而有差別。文畢。以七寶

充滿沙河中沙數大千世界布施不及持經之福
 由經義轉深校量轉勝初問約多河以數沙如恒
 河中沙盡作恒河沙河中沙是為多不答言甚多
 次問約多河以彰施福若人以七寶充滿沙河中
 沙數大千世界布施得福多不答言甚多佛告空
 生下約多福以顯經勝若人受持此經一四句偈
 及為人說其福勝彼中峯云七寶布施不免生心
 住相受持般若於心無所生於相無所住故福勝
 不但畧持經人功德殊勝畧持經之處一切天人
 皆應供養如佛塔廟梵語寧塔波此云方境塔者

邊國訛誑廟貌也安佛舍利名塔安佛形像名廟
 何況有人下言廣持經人之益盡能受持不止一
 四句偈當知是人成就最上第一希有之法言得
 般若成無上佛果菩提下明全經所在之處具足
 三寶即為有佛者經顯法身依法身有報化則云
 一切諸佛及諸佛阿耨多羅三藐三菩提法皆從
 此經出若尊重弟子者經顯無為依無為有二乘
 前云一切賢聖皆以無為法而有差別
 爾時須菩提白佛言世尊當何名此經我等云何奉
 持佛告須菩提是經名為金剛般若波羅密以是名

金剛經筆記

三

字汝當奉持所以者何須菩提說般若波羅密即
 非般若波羅密是名般若波羅密須菩提於意云何
 如來有所說法不須菩提白佛言世尊如來無所說
 須菩提於意云何三千大千世界所有微塵是為多
 不須菩提言甚多世尊須菩提諸微塵如來說非微
 塵是名微塵如來說世界非世界是名世界須菩提
 於意云何可以三十二相見如來不也世尊不可
 以三十二相得見如來何以故如來說三十二相即
 是非相是名三十二相須菩提若有善男子善女人
 以恒河沙等身命布施若復有人於此經中乃至受

持四句偈等為他人說其福甚多

此明無定法可說之文空生既聞持經成就希有
 之法故問此經何名云何奉持佛告以金剛般若
 波羅密之名以般若照破我法二執了生來即涅
 槃達煩惱即菩提如度生無我布施不住相之意
 以其體堅萬物不能壞書云不日堅平磨而不磷
 又云仰之彌高鑽之彌堅莊生云大浸稽天而不
 溺大旱金石流土山焦而不熱以其用利故能壞
 萬物書云無意無必無固無我又云剋已復理因
 具堅利二義故喻金剛用不住相名字奉持名中

金剛經筆記

重

之義微云何故持名中義釋云第一義中無名字
 故即非般若起信云離言說相離名字相離心緣
 相老子云道可道非常道名可名非常名無名天
 地之始肇云物無當名之實名無得物之功物無
 當名之實非物也名無得物之功非名也名實無
 當萬物安在如兔角龜毛皆名實無當者是名般
 若者玄談云湛湛忘言教海之波瀾浩汗恐空生
 未達般若性空謂有言說故問如來有所說法不
 空生既悟名即無名便解說即無說答言如來無
 所說如洪鐘待扣大扣則大鳴小扣則小鳴不扣

則不鳴當其扣時元非有聲縱不扣時亦無聲
 永嘉云默時說說時默大施門開無壅塞向下將
 前校量世界微塵問空生云多不答言甚多佛言
 既說即非般若則非微塵非世界既說是名般若
 則是名微塵是名世界以一空一切空一即一切
 即正顯無有定法可說惑大師云此明利剎塵塵
 皆是遮那妙體與雪浪大師若合符節前不住相
 布施則以應身相明之次無定法可得則以報身
 相明之今無定法可說復以三十二相問之答云
 既說非般若非微塵非世界故云即是非相既說

是名般若若名微塵是名世界故云是名三十二
 相下以內財校量倍顯經勝如釋迦因中捨身飼
 虎割肉代鵠以至捨頭目髓腦法華云觀三千大
 千世界乃至無有如芥子許非是菩薩捨身命處
 假若有人以恒沙身命布施所得福德不若持經
 福勝彼捨身命乃是住相成有漏因持說此經是
 不住相成佛正因

爾時須菩提聞說是經深解義趣涕淚悲泣而白佛
 言希有世尊佛說如是甚深經典我從昔來所得慧
 眼未曾得聞如是之經世尊若復有人得聞是經信

心清淨即生實相當知是人成就第一希有功德世
 尊是實相者即是非相是故如來說名實相世尊我
 今得聞如是經典信解受持不足為難若當來世後
 五百歲其有眾生得聞是經信解受持是人即為第
 一希有何以故此人無我相人相眾生相壽者相所
 以者何我相即是非相人相眾生相壽者相即是非
 相何以故離一切諸相即名諸佛

此空生因名解無說義之文既聞佛說般若即非
 般若故深解義趣感佛深恩涕淚悲泣言大事已
 明亦如喪考妣讚佛希有者前云希有雖見世尊

金剛經筆記

七

妙處未聞其說今蒙開演故真希有下出希有所
 以佛說即非般若甚深經典我等小乘但離四相
 已得人空未離法相不得法空故未得聞是經殊
 不知佛以一音演說法眾生隨類各得解如華嚴
 會上二乘之人有耳不聞圓頓教即是此輩蓋法
 無有差機自異耳書云夫子之道執先傳焉孰後
 倦焉譬之草木區已別矣有始有卒者其惟聖人
 乎假若有人得聞此經信心清淨即生實相純真
 無妄之謂信心起信還信心自信心中本無
 我法曰清淨則契實相妙心故云即生實相實相

者諸相無相無相不相諸相無相不住生處無相不相不住涅槃非有非無妙會中道法華云唯佛與佛乃能究竟諸法實相論云大乘因者諸法實相是大乘果者亦諸法實相是又云發心畢竟二不別如是二心先心難生實相是因成就第一希有功德是果上文既云即非般若何故又云即生實相以金屑雖貴落罪成塵為離實相分別之心故云即是非相圓覺云我皆令人究竟聞覺於圓覺中無取證者古人云過得荆棘林斬倒旃檀樹是名實相者不壞假名而談實相言我空生已得

金剛經筆記

天

聖果佛現莊時又非末法聞此經典能信自心解實相義受持不失不足為難若未來世又非正法設有眾生未得聖果得聞是經信解受持是人即為第一希有何故希有此信解人無復四相故為希有故無四相以四相即是妄相故應離之非相者妄相也前云凡所有相皆是虛妄何故要離四妄相離一切妄相即名諸佛以生佛體同故經言佛心及眾生是三無差別永嘉云諸佛法身入我性我性同共如來合前云若見諸相非相即見如來圓覺云知幻即離不作方便離幻即覺亦無

漸次

佛告須菩提如是如是若復有人得聞是經不驚不怖不畏當知是人甚為希有何以故須菩提如來說第一波羅密即非第一波羅密是名第一波羅密須菩提忍辱波羅密如來說非忍辱波羅密是名忍辱波羅密何以故須菩提如我昔為歌利王割截身體我於爾時無我相無人相無眾生相無壽者相何以故我於往昔節節支解時若有我相人相眾生相壽者相應生瞋恨須菩提又念過去於五百世作忍辱仙人於爾所世無我相無人相無眾生相無壽者相

此明印讚推廣忍辱之文上來空生呈解故尔世尊印讚如是如是者重言所解之甚當也下以劣况勝此經難信難解非大乘根器未免驚愕疑懼怖畏若復有人聞說般若心中不驚聞說即非心亦不怖聞說是名心亦不畏當知是人甚為希有何况信心清淨及信解受持者乎下以法顯人如來說第一波羅密者以諸度中般若為最能解般若故人也希有然般若即非般若第一即非第一是名第一者假言說故下推廣忍即非忍安耐口忍毀害曰辱能忍諸辱故名忍辱若有能忍所忍

則着四相不名波羅密不見有能忍所忍遠離四相故名波羅密忍執情不了故拂跡云即非忍辱忘能所故是名忍辱假安立故下引一生所成忍言我因中修忍辱行有歌利王此云極惡出穢疲寢宮人禮仙王怒問偃得四果不皆各不得割截支體天怒雨石王俱懺悔仙本無與王亦無害仙體如故我于彼時無有四相下反釋我於昔時若有四相即生嗔恨嗔恨不生故知無我古人云將頭臨白刃一似斬春風老子云善攝生者咒無所投其角虎無所措其爪兵無所容其刃夫何故以

金剛經筆記

羊

其無心地廣引過去五百生中修忍辱行遠離四相因得般若之功力也

是故須菩提菩薩應離一切相發阿耨多羅三藐三菩提心不應住色生心不應住聲香味觸法生心應生無所住心若心有住即為非住是故佛說菩薩心不應住色布施須菩提菩薩應離一切眾生成應如是布施如來說一切諸相即是非相又說一切眾生前非眾須菩提如來是真語者實語者如語者不誑語者不異語者須菩提如來所得法此法無實無虛須菩提若菩薩心住於法而行布施如人入暗

則無所見若菩薩心不住法而行布施如人有目日光明照見種種色此總結應住之文是忍即非忍之故菩薩應離一切我法等相發菩提心前問云何應住故結答云不應住六塵生心則離一切相應生無所住心則即一切法無住生心心無住則唯即與離二無所着三祖云莫逐有緣莫住空忍一種平懷泯然自盡下反顯若心有住則是妄情便着四相故云非住非即矣也下照應前文以不住色等生心佛說菩薩不應住色布施下明欲知度生無我即布

金剛經筆記

天

施不住相故云菩薩為利益一切眾生故應如是不住相布施下引證如來常說一切諸相即是非相即布施不住相又說一切眾生即非眾生即度生無我此二相為表裏恐空生不信故以五語誠勉之真而不妄實而不虛如則稱理不誑則無誑曲不妄始終一貫以此五語則所言者當諦信而無疑復以心中所得無實無虛故稱理而說相即非相生即非生法華云如來如實知見三界之相非實非虛非如非異非實者一空一切空非虛者一即一切即非如者空而不空非異者有而無有

前云無有定法得菩提無有定法可說下喻明住相不住相得失先明住相之失若菩薩心住六塵法行施則着我相如盲人入暗無日光明則無所見盲喻無照理之智暗中無日光明喻無對治之法則不能見諸法實相下明不住相之得若菩薩心不住六塵布施如人有目喻有照理之智日光明照暗則消滅喻得對治之法見種種色者則見諸法實相也上文破法相竟

須菩提當來之世若有善男子善女人能於此經受持讀誦即為如來以佛智慧悉知是人悉見是人皆

金剛經筆記

天

金剛經筆記

天